

Talis est ἐπίνοδος seu regressio, de qua præcepta Rhetorum consulenda. Amplius Poëtica illæ amœnitates, in versibus reciprocis, retrogradis ac recurrentibus conspicuæ, dicti rerum ambitûs imaginem præbent, sive versus isti per literas singulas recurrant, uti hic:

*Roma tibi subito motibus ibit amor.*

Sive per voces integras, quemadmodum illud distichon:

*Laus tua, non tua fraus, virtus, non copia  
rerum*

*Scandere te fecit hoc decus eximium.*

Neque hîc oblivisci possum illius in orbem reditûs, quem in studio *Etymologico* non sine voluptate aliquoties observavi. Exemplum suppeditat Philologus eximius: Gaph Hebræi vocant summitatem quamcunque sive cacumen. Ab eo Græci, adjecto ad radicem λ, deduxerunt κεφαλή, quæ vox caput designat. Germani ex eo κεφαλή habent suum *Gipffel*, quod ad significationem primam, generalem illam, redit cacumenque denotat. Sed à verbali-  
bus illis disciplinis ad reales accedamus.

*Ethica* revolutio est, quòd sicuti bonis actionibus acquiritur virtutis habitus: ita